



SURUHANJAYA  
PELANTIKAN KEHAKIMAN



# LAPORAN TAHUNAN 2022

# KANDUNGAN



## 1 PRAKATA PENGERUSI



## 3 RINGKASAN EKSEKUTIF



## 5 LATAR BELAKANG



## 9 MESYUARAT



## 14 PEMILIHAN DAN PELANTIKAN HAKIM MAHKAMAH ATASAN




## 25 AKADEMI KEHAKIMAN



## 45 URUS SETIA SURUHANJAYA PELANTIKAN KEHAKIMAN



The background features a dynamic, abstract design composed of numerous thin, light-colored lines that curve and overlap, creating a sense of motion and depth. A prominent feature is a large, solid white circle centered in the upper half of the page. This circle has a thin, dark purple border and contains the title text.

## **PRAKATA PENGERUSI**



## PRAKATA PENGERUSI



*Bismillahirrahmanirrahim  
Assalamualaikum  
Warahmatullahi Wabarakatuh*

Alhamdulillah, bersyukur saya ke hadrat Allah S.W.T kerana dengan limpah kurnia dan izinNya juga, buku Laporan Tahunan Suruhanjaya Pelantikan Kehakiman Tahun 2022 ini berjaya diterbitkan. Justeru, saya mengalau-alukan pembentangan Laporan Tahunan Suruhanjaya Pelantikan Kehakiman Tahun 2022. Semoga laporan ini bermanfaat kepada semua pihak yang berkepentingan termasuk hakim, pegawai kehakiman dan perundangan, pengamal undang-undang dan orang awam.

Suruhanjaya Pelantikan Kehakiman (Suruhanjaya) terus komited dalam melaksanakan pelbagai perancangan dalam menjalankan fungsinya seperti yang diperuntukkan di dalam Akta Suruhanjaya Pelantikan Kehakiman 2009 [Akta 695]. Laporan Tahunan Suruhanjaya ini menunjukkan bahawa dalam menjalankan fungsi-fungsi statutorinya, Suruhanjaya sentiasa mendukung kebebasan berterusan Badan Kehakiman dan prinsip keluhuran undang-undang yang menjadi asas kepada setiap sistem undang-undang di dunia, termasuk Malaysia.

Bagi menjamin kebebasan Badan Kehakiman, kompetensi dan keperibadian hakim-hakim adalah sangat penting. Dalam hal ini, adalah menjadi tanggungjawab Suruhanjaya untuk terus menggalas tugas memilih dan mengesyorkan calon-calon yang berkaliber untuk dilantik sebagai hakim Mahkamah Atasan. Suruhanjaya sentiasa memastikan proses pemilihan adalah telus dan adil dengan menjalankan pelbagai tapisan bagi setiap peringkat pemilihan.

Tahun 2022 telah menyaksikan beberapa pelantikan dan kenaikan pangkat hakim-hakim Mahkamah Atasan termasuk pelantikan 17 orang Pesuruhjaya Kehakiman, 17 orang Pesuruhjaya Kehakiman yang dilantik sebagai Hakim Mahkamah Tinggi, kenaikan pangkat seorang Hakim Mahkamah Tinggi kepada Hakim Mahkamah Rayuan dan seorang Hakim Mahkamah Rayuan kepada Hakim Mahkamah Persekutuan. Tahniah diucapkan!

Tidak dilupakan, pada tahun 2022 juga menyaksikan persaraan 11 orang hakim Mahkamah Atasan setelah mencapai umur persaraan wajib iaitu Presiden Mahkamah Rayuan, Hakim Besar Mahkamah Tinggi di Malaya, 2 orang Hakim Mahkamah Persekutuan, 4 orang Hakim Mahkamah Rayuan dan 3 orang Mahkamah Tinggi. Selain itu, 3 orang Pesuruhjaya Kehakiman telah tamat perkhidmatan perkhidmatan mereka. Selamat maju jaya diucapkan!

Saya ingin mengambil kesempatan ini untuk merakamkan setinggi-tinggi penghargaan kepada YBhg. Tan Sri Rohana binti Yusuf, YBhg. Tan Sri Dato' Sri Azahar bin Mohamed, YBhg. Datuk Seri Haji Mohd Zawawi bin Salleh, YBhg. Datuk Dr. Prasad Sandosham Abraham, YBhg. Datuk Stephen Chung Hian Guan dan YBhg. Dato' Prof. Madya Dr. Johan Shamsuddin bin Dato' Haji Sabaruddin selaku mantan anggota Suruhanjaya yang telah memberi perkhidmatan yang cemerlang kepada Suruhanjaya.

Selain itu, seramai 3 orang anggota Suruhanjaya yang baharu telah dilantik. Saya mengambil kesempatan ini untuk mengucapkan setinggi-tinggi tahniah kepada YA Dato' Mohamad Zabidin bin Mohd Diah, YABhg. Tun Md Raus bin Sharif, YBhg. Datu Haji Abdul Razak Tready dan YBhg. Prof. Madya Datuk Dr. Shamrahayu binti Ab. Aziz atas pelantikan sebagai anggota Suruhanjaya yang baharu. Setinggi-tinggi tahniah juga kepada YBhg. Tan Sri Dato' Suriyadi bin Halim Omar atas pelantikan semula sebagai anggota Suruhanjaya.

Akhir kata, saya ingin merakamkan penghargaan kepada semua pegawai dan kakitangan Pejabat Setiausaha Suruhanjaya Pelantikan Kehakiman yang diketuai oleh YBrs. En. Qalam Zainuddin bin Sani yang telah menunjukkan komitmen dalam mengurus, melaksana dan memantau keberkesanan program-program Suruhanjaya.

**TUN TENGKU MAIMUN BINTI TUAN MAT**  
**Ketua Hakim Negara Mahkamah Persekutuan, Malaysia**  
**merangkap**  
**Pengerusi Suruhanjaya Pelantikan Kehakiman**

The background features a dynamic, abstract design composed of numerous thin, light-colored lines that curve and overlap, creating a sense of motion and depth. A prominent feature is a large, solid white circle centered in the upper half of the page. This circle has a thin, dark purple border and contains the text "RINGKASAN EKSEKUTIF" in a bold, black, sans-serif font.

## **RINGKASAN EKSEKUTIF**



## RINGKASAN EKSEKUTIF

Seksyen 31 Akta Suruhanjaya Pelantikan Kehakiman 2009 [Akta 695] menghendaki Suruhanjaya Pelantikan Kehakiman (Suruhanjaya) menyediakan 1 laporan tahunan mengenai aktivitinya dan dibentangkan di Parlimen. Selaras dengan peruntukan tersebut, Laporan Tahunan Suruhanjaya Pelantikan Kehakiman Tahun 2022 ini disediakan.

Laporan ini dibahagikan kepada 5 bab utama :

1

### LATAR BELAKANG

menerangkan sejarah penubuhan, peranan dan anggota Suruhanjaya.

2

### MESYUARAT

memaklumkan mesyuarat-mesyuarat Suruhanjaya sebagaimana yang ditetapkan oleh Akta 695 iaitu Mesyuarat Suruhanjaya Pelantikan Kehakiman dan Mesyuarat Pemilihan.

3

### PEMILIHAN DAN PELANTIKAN HAKIM MAHKAMAH ATASAN

menjelaskan proses pemilihan dan pelantikan hakim Mahkamah Atasan di pelbagai peringkat iaitu Mahkamah Persekutuan, Mahkamah Rayuan dan Mahkamah Tinggi berdasarkan Akta 695.

4

### AKADEMI KEHAKIMAN

melaporkan program-program latihan dan aktiviti penerbitan pada tahun 2022.

5

### URUS SETIA SURUHANJAYA PELANTIKAN KEHAKIMAN

menerangkan peranan dan fungsi Urus setia Suruhanjaya dan melaporkan peruntukan kewangan yang diluluskan untuk tahun 2022.

## SOROTAN PERISTIWA 2022

1

### MESYUARAT

- > Mesyuarat Suruhanjaya Pelantikan Kehakiman
- > Mesyuarat Pemilihan

2

### PELANTIKAN HAKIM DAN PESURUHJAYA KEHAKIMAN

- > 1 orang Hakim Mahkamah Persekutuan
- > 1 orang Hakim Mahkamah Rayuan
- > 17 orang Hakim Mahkamah Tinggi
- > 17 orang Pesuruhjaya Kehakiman

3

### PROGRAM LATIHAN

1. Program Induksi Pesuruhjaya Kehakiman 2022
2. Bengkel *Writing Better Judgment 1/2022*
3. Bengkel Kemahiran dan Teknik Pengendalian Mediasi secara Fizikal dan Dalam Talian untuk Badan Kehakiman
4. Forum *Challenges on Hearing Appeal Online*
5. Kursus *Section 302 of the Penal Code*
6. Bengkel *Writing Better Judgment 2/2022*
7. Kursus Petisyen Pilihan Raya

4

### PENERBITAN

*Journal of the Malaysian Judiciary* Edisi Januari 2022 dan Edisi Julai 2022

The background features a vibrant red-pink gradient. Overlaid on this are several sets of thin, light blue-grey wavy lines that radiate from the center of the page, creating a dynamic, sunburst-like effect.

## LATAR BELAKANG



## LATAR BELAKANG

### SEJARAH PENUBUHAN

Suruhanjaya Pelantikan Kehakiman (Suruhanjaya) telah ditubuhkan dengan berkuat kuasanya Akta Suruhanjaya Pelantikan Kehakiman 2009 [Akta 695] pada 2 Februari 2009. Penubuhan Suruhanjaya adalah merupakan satu inisiatif bagi memperkasa, memperkuuh serta meningkatkan integriti Badan Kehakiman melalui proses permohonan, pencalonan, pemilihan, pelantikan hakim Mahkamah Atasan yang lebih telus dan adil. Sejak penubuhannya, Suruhanjaya telah berjaya melaksanakan tanggungjawabnya sebagai sebuah badan pelantikan kehakiman yang bebas berlandaskan kerangka perlembagaan.

### PERANAN SURUHANJAYA

Suruhanjaya berperanan untuk memilih menerima dan menimbang permohonan daripada orang berkelayakan ke jawatan hakim-hakim Mahkamah Atasan berdasarkan peruntukan seksyen 21 Akta 695. Selain melaksanakan fungsi utamanya iaitu memilih orang-orang berkelayakan sebagai hakim Mahkamah Atasan, pelbagai program telah dilaksanakan oleh Suruhanjaya untuk menambah baik sistem keadilan di negara ini termasuk mengadakan program latihan untuk hakim-hakim Mahkamah Atasan dan menerbitkan jurnal kehakiman.

### KEANGGOTAAN SURUHANJAYA

Suruhanjaya dianggotai oleh 9 orang anggota termasuk Pengerusi. Keanggotaan Suruhanjaya adalah berdasarkan peruntukan yang telah ditetapkan di bawah seksyen 5 Akta 695. 4 orang anggotanya dilantik berdasarkan jawatan dalam Badan Kehakiman mengikut peruntukan subseksyen 5(1)(a),(b),(c) dan (d) Akta 695, manakala 5 orang anggotanya dilantik oleh Perdana Menteri berdasarkan peruntukan subseksyen 5(1)(e) dan (f) Akta 695. Mereka terdiri daripada seorang Hakim Mahkamah Persekutuan dan 4 orang terkemuka yang bukan merupakan anggota Eksekutif atau Perkhidmatan Awam lain. Anggota Suruhanjaya ini dilantik oleh Perdana Menteri selepas berunding dengan Majlis Peguam Malaysia, Persatuan Undang-Undang Sabah, Persatuan Peguam Bela Sarawak dan Peguam Negara Persekutuan.

## PELANTIKAN BERDASARKAN JAWATAN



YAA Tun Tengku Maimun binti Tuan Mat  
Ketua Hakim Negara Mahkamah Persekutuan



YAA Tan Sri Rohana binti Yusuf  
Presiden  
Mahkamah Rayuan  
(sehingga 8 November 2022)



YAA Tan Sri Dato' Sri Azahar bin Mohamed  
Hakim Besar  
Mahkamah Tinggi di Malaya  
(sehingga 26 Oktober 2022)



YAA Tan Sri Dato' Abang Iskandar bin Abang Hashim  
Hakim Besar  
Mahkamah Tinggi di Sabah dan Sarawak

## PELANTIKAN OLEH PERDANA MENTERI



YA Dato' Mohamad Zabidin bin Mohd Diah  
Hakim Mahkamah Persekutuan  
(bermula 16 Julai 2022)



YABhg. Tun Md Raus bin Sharif  
Mantan Ketua Hakim Negara  
(bermula 4 September 2022)



YBhg. Tan Sri  
Datuk Suriyadi bin Halim Omar  
Mantan Hakim Mahkamah Persekutuan  
(bermula 4 September 2020)



YBhg. Datu Haji Abdul Razak Tready  
Mantan Peguam Besar Negeri Sarawak  
(bermula 4 September 2022)



YBhg. Profesor Madya Datuk  
Dr. Shamrahayu binti Ab. Aziz  
Pensyarah Fakulti Undang-Undang,  
Universiti Islam Antarabangsa Malaysia  
(bermula 4 September 2022)

## PENGHARGAAN



YBhg. Tan Sri  
Rohana binti Yusuf  
Mantan Presiden  
Mahkamah Rayuan



YBhg. Tan Sri Dato' Sri  
Azahar bin Mohamed  
Mantan Hakim Besar  
Mahkamah Tinggi di Mala



YBhg. Datuk Seri  
Haji Mohd Zawawi bin Salleh  
Mantan Hakim  
Mahkamah Persekutuan



YBhg. Datuk Dr.  
Prasad Sandosham Abraham  
Mantan Hakim  
Mahkamah Persekutuan




YBhg. Datuk  
Stephen Chung Hian Guan  
Mantan Hakim  
Mahkamah Rayuan



YBhg. Dato' Prof. Madya  
Dr. Johan Shamsuddin bin  
Dato' Haji Sabaruddin  
Dekan Fakulti Undang-Undang  
Universiti Malaya

## *Penghargaan*

Suruhanjaya merakamkan setinggi-tinggi penghargaan kepada  
YBhg.Tan Sri Rohana binti Yusuf (bermula 5 Disember 2019 hingga 8 November 2022),  
YBhg.Tan Sri Dato' Sri Azahar bin Mohamed (bermula 8 Ogos 2019 hingga  
26 Oktober 2022), YBhg. Datuk Seri Haji Mohd Zawawi bin Salleh (bermula 30 Ogos 2019  
hingga 15 Julai 2022), YBhg. Datuk Dr. Prasad Sandosham Abraham  
(bermula 4 September 2020 hingga 3 September 2022),  
YBhg. Datuk Stephen Chung Hian Guan (bermula 4 September 2020 hingga  
3 September 2022) dan YBhg. Dato' Prof. Madya Dr. Johan Shamsuddin bin  
Dato' Haji Sabaruddin (bermula 4 September 2020 hingga 3 September 2022)  
atas sumbangan sebagai anggota Suruhanjaya.

The background features a vibrant red-orange gradient. Overlaid on this are several sets of thin, light blue-grey wavy lines that radiate from the center of the image, creating a sense of motion and depth. In the upper right quadrant, there is a large, semi-transparent white circle with a thin blue-grey border. The word "MESYUARAT" is centered within this circle.

# **MESYUARAT**



## MESYUARAT SURUHANJAYA PELANTIKAN KEHAKIMAN

Subseksyen 13(1) Akta 695 menetapkan bahawa Mesyuarat Suruhanjaya diadakan sekurang-kurangnya sekali pada setiap bulan. Walau bagaimanapun, hanya 10 mesyuarat telah diadakan pada tahun 2022 berdasarkan penetapan kuorum seperitimana ditetapkan oleh Akta 695.

***Jadual 1 : Mesyuarat Suruhanjaya Pelantikan Kehakiman Tahun 2022***

<b><u>Tarikh</u></b>	<b><u>Tempat</u></b>
21.01.2022	Kota Kinabalu, Sabah
23.02.2022	Secara dalam talian
24.03.2022	Putrajaya
28.04.2022	Secara dalam talian
26.05.2022	Secara dalam talian
22.06.2022	Dungun, Terengganu
28.07.2022	Putrajaya dan secara dalam talian
25.08.2022	Putrajaya dan secara dalam talian
22.09.2022	Putrajaya dan secara dalam talian
18.10.2022	Putrajaya

## MESYUARAT PEMILIHAN

Sebagaimana yang telah diperuntukkan di bawah seksyen 24 Akta 695, pada tahun 2022, 6 Mesyuarat Pemilihan telah diadakan. Calon-calon yang telah dipertimbangkan untuk pemilihan adalah terdiri daripada Pesuruhjaya Kehakiman, Hakim Mahkamah Tinggi, Hakim Mahkamah Rayuan serta Pegawai Kehakiman dan Perundangan serta Pengamal Undang-Undang bagi pemilihan untuk syor pelantikan sebagai Pesuruhjaya Kehakiman.

***Jadual 2 : Mesyuarat Pemilihan Tahun 2022***

<b><u>Tarikh</u></b>	<b><u>Tempat</u></b>
21.01.2022	Kota Kinabalu, Sabah
24.03.2022	Putrajaya
28.04.2022	Secara dalam talian
22.06.2022	Dungun, Terengganu
28.07.2022	Putrajaya dan secara dalam talian
18.10.2022	Putrajaya

## PROGRAM SURUHANJAYA PELANTIKAN KEHAKIMAN

### Pembukaan Tahun Perundangan Sabah dan Sarawak Tahun 2022

Bersempena dengan kehadiran semua anggota Suruhanjaya ke Majlis Pembukaan Tahun Perundangan Sabah dan Sarawak Tahun 2022 pada 21 Januari 2022, Mesyuarat Suruhanjaya Pelantikan Kehakiman Bil.1/2022 telah diadakan di Kota Kinabalu, Sabah.



### Taklimat Prestasi dan Statistik Pelupusan Kes Mahkamah-Mahkamah di Terengganu

Bersempena dengan Mesyuarat Suruhanjaya Bil. 6/2022 pada 22 Jun 2022 di Dungun, Terengganu, sesi taklimat prestasi dan statistik pelupusan kes mahkamah-mahkamah di Terengganu telah diadakan pada 23 Jun 2022 di Mahkamah Majistret Dungun, Dungun, Terengganu.



Anggota Suruhanjaya turut mengadakan lawatan ke *Kenyir Elephant Conservation Village* (KECV) pada 23 Jun 2022 bagi mengetahui usaha-usaha konservasi gajah di Terengganu khasnya dan di Malaysia secara umumnya.







**PEMILIHAN DAN  
PELANTIKAN  
HAKIM  
MAHKAMAH  
ATASAN**



## PEMILIHAN DAN PELANTIKAN HAKIM MAHKAMAH ATASAN

### KRITERIA PEMILIHAN

Perkara 123 Perlembagaan Persekutuan dan Seksyen 23 Akta 695 memperuntukkan syarat dan kriteria bagi pemilihan hakim Mahkamah Atasan. Suruhanjaya juga telah menyediakan satu garis panduan berkenaan kriteria dan kualiti individu yang akan dipilih sebagai hakim Mahkamah Atasan. Kriteria-kriteria ini adalah untuk memastikan bahawa individu yang dipilih mempunyai kualiti peribadi, keupayaan intelektual, pengetahuan dan kemampuan menyelesaikan pertikaian dengan adil serta membuat keputusan berdasarkan fakta dan undang-undang yang sedang berkuat kuasa.

***Jadual 3 : Seksyen 23 Akta Suruhanjaya Pelantikan Kehakiman 2009 (Akta 695)***

**Seksyen 23  
(1)**

Seseorang calon layak bagi pemilihan jika dia memenuhi kehendak di bawah Perkara 123 Perlembagaan Persekutuan.

**Seksyen 23  
(2)**

Dalam memilih calon, Suruhanjaya hendaklah mengambil kira antara lain, kriteria berikut:

- (a) integriti, kompetensi dan pengalaman;
- (b) objektif, tidak berat sebelah, adil dan peribadi moral yang baik;
- (c) ketegasan, kebolehan membuat penghakiman tepat pada masanya dan kemahiran yang baik dalam penulisan undang-undang;
- (d) kerajinan dan kebolehan untuk menguruskan kes dengan baik; dan
- (e) kesihatan fizikal dan mental.

**Seksyen 23  
(3)**

Seseorang yang merupakan hakim atau Pesuruhjaya Kehakiman yang sedang berkhidmat tidak boleh dilantik jika dia mempunyai tiga penghakiman atau lebih yang belum selesai atau alasan penghakiman yang belum ditulis yang terlewat enam puluh hari atau lebih dari tarikh penghakiman atau alasan penghakiman itu disifatkan cukup tempoh.

**Seksyen 23  
(4)**

Dalam memilih calon, Suruhanjaya mestilah juga mengambil kira keperluan untuk menggalakkan kepelbagaian dalam lingkungan kepakaran dan pengetahuan undang-undang dalam Badan Kehakiman.

## PROSES PEMILIHAN

Suruhanjaya melaksanakan proses pemilihan sebagaimana yang ditetapkan oleh subseksyen 22(2)(a) dan (b) Akta 695. Selepas pemilihan dibuat, satu laporan lengkap akan dikemukakan kepada Perdana Menteri dengan memaklumkan nama-nama yang disyorkan berserta asas-asas pertimbangan seperti mana yang diperuntukkan di bawah seksyen 26 Akta 695. Seksyen 27 Akta 695 memperuntukkan Perdana Menteri boleh meminta 2 nama lagi untuk dipilih dan disyorkan bagi pertimbangannya. Seksyen 28 Akta 695 pula menerangkan peranan Perdana Menteri untuk memberi nasihatnya mengikut Perkara 122B Perlembagaan Persekutuan. Proses yang diperuntukkan di bawah Akta 695 merupakan proses pelantikan yang mendahului Perkara 122B(1) Perlembagaan Persekutuan.

### ***Jadual 4 : Seksyen 22 Akta Suruhanjaya Pelantikan Kehakiman 2009 (Akta 695)***

#### **Seksyen 22 (1)**

Apabila diterima suatu permintaan, Suruhanjaya hendaklah memberitahu anggota-anggota Suruhanjaya dan membuat persediaan bagi mesyuarat pemilihan.

#### **Seksyen 22 (2)**

Dalam mesyuarat pemilihan, Suruhanjaya hendaklah melaksanakan proses pemilihan sebagaimana yang ditetapkan oleh peraturan-peraturan yang dibuat di bawah Akta ini; dan

- (a) memilih tidak kurang daripada tiga orang bagi setiap kekosongan jawatan di Mahkamah Tinggi; atau
- (b) memilih tidak kurang daripada dua orang bagi setiap kekosongan jawatan jika kekosongan jawatan itu adalah bagi Hakim Mahkamah Atasan selain Mahkamah Tinggi.

### ***Jadual 5 : Perkara 122B(1) Perlembagaan Persekutuan***

#### **Perkara 122B (1)**

Ketua Hakim Negara Mahkamah Persekutuan, Presiden Mahkamah Rayuan dan Hakim-Hakim Besar Mahkamah Tinggi dan (tertakluk kepada Perkara 122C) hakim-hakim yang lain Mahkamah Persekutuan, Mahkamah Rayuan dan Mahkamah Tinggi hendaklah dilantik oleh Yang di-Pertuan Agong, yang bertindak atas nasihat Perdana Menteri, selepas berunding dengan Majlis Raja-Raja.

**Jadual 6 : Seksyen 26 Akta Suruhanjaya Pelantikan Kehakiman 2009 (Akta 695)**

**Seksyen 26  
(1)**

Selepas membuat pemilihannya, Suruhanjaya hendaklah mengemukakan suatu laporan kepada Perdana Menteri yang hendaklah :

- (a) menyatakan siapa yang telah dipilih oleh Suruhanjaya untuk disyorkan bagi pelantikan ke jawatan yang berkenaan;
- (b) menyatakan alasan bagi pemilihan itu; dan
- (c) mengandungi apa-apa maklumat lain yang disifatkan perlu oleh Suruhanjaya untuk dibawa kepada pengetahuan Perdana Menteri

**Seksyen 26  
(2)**

Selepas mengemukakan laporan itu, Suruhanjaya hendaklah memberikan apa-apa maklumat lanjut sebagaimana yang dikehendaki oleh Perdana Menteri.

**Jadual 7 : Seksyen 27 Akta Suruhanjaya Pelantikan Kehakiman 2009 (Akta 695)**

**Seksyen 27**

Perdana Menteri boleh, selepas menerima laporan di bawah seksyen 26, meminta dua nama lagi untuk dipilih dan disyorkan bagi pertimbangannya berkenaan dengan apa-apa kekosongan ke jawatan Ketua Hakim Negara Mahkamah Persekutuan, Presiden Mahkamah Rayuan, Hakim Besar Mahkamah Tinggi di Malaya, Hakim Besar Mahkamah Tinggi di Sabah dan Sarawak, hakim Mahkamah Persekutuan dan Mahkamah Rayuan, dan Suruhanjaya hendaklah, dengan seberapa segera yang dapat dilaksanakan, mematuhi permintaan itu mengikut proses pemilihan sebagaimana yang ditetapkan dalam peraturan-peraturan yang dibuat di bawah Akta ini.

**Jadual 8 : Seksyen 28 Akta Suruhanjaya Pelantikan Kehakiman 2009 (Akta 695)**

**Seksyen 28**

Apabila Perdana Menteri telah menerima mana-mana orang yang disyorkan oleh Suruhanjaya, dia bolehlah seterusnya memberikan nasihatnya mengikut Perkara 122B Perlembagaan Persekutuan.

## PELANTIKAN HAKIM MAHKAMAH ATASAN

Tahun 2022 menyaksikan beberapa pelantikan di pelbagai peringkat mahkamah. Jumlah keseluruhan hakim dan Pesuruhjaya Kehakiman yang dilantik dalam tahun 2022 ialah seramai 36 orang. Dalam usaha untuk memperluaskan kepelbagaiannya calon-calon hakim Mahkamah Atasan dan meningkatkan keyakinan terhadap Badan Kehakiman, Suruhanjaya telah memilih calon Pesuruhjaya Kehakiman daripada pelbagai bidang kemahiran, latar belakang pendidikan dan pengalaman selain berdasarkan prestasi, kompetensi dan kualiti peribadi.

***Jadual 9 : Pecahan Bilangan Hakim Dan Pesuruhjaya Kehakiman Yang Dilantik Pada Tahun 2022***

1	Hakim Mahkamah Persekutuan	1
2	Hakim Mahkamah Rayuan	1
3	Hakim Mahkamah Tinggi	17
4	Pesuruhjaya Kehakiman	17
JUMLAH		36

### HAKIM MAHKAMAH PERSEKUTUAN



YA Dato' Mohamad Zabidin bin Mohd Diah

Tarikh Lantikan: 03.02.2022

### HAKIM MAHKAMAH RAYUAN




YA Dato' Mohd Nazlan bin Mohd Ghazali

Tarikh Lantikan: 03.02.2022


**HAKIM MAHKAMAH TINGGI**




YA Dato' Sri Latifah  
binti Haji Mohd Tahar  
Tarikh Lantikan: 27.04.2022



YA Dato' Amarjeet Singh  
a/l Serjit Singh  
Tarikh Lantikan: 27.04.2022



YA Datuk Duncan  
bin Sikodol  
Tarikh Lantikan: 27.04.2022



YA Tuan Muniandy  
a/l Kannyappan  
Tarikh Lantikan: 27.04.2022



YA Dr. Shahnaz  
binti Sulaiman  
Tarikh Lantikan: 27.04.2022



YA Puan Evrol Mariette  
a/p Felix Michael Peters  
Tarikh Lantikan: 27.04.2022


**HAKIM MAHKAMAH TINGGI**




YA Tuan Christopher  
Chin Soo Yin  
Tarikh Lantikan: 27.04.2022



YA Tuan Ong Chee Kwan  
Tarikh Lantikan: 27.04.2022



YA Tuan Mohd Radzi  
bin Abdul Hamid  
Tarikh Lantikan: 27.04.2022



YA Datuk Haji Aslam  
bin Zainuddin  
Tarikh Lantikan: 27.04.2022




YA Dato' Julie Lack  
Tarikh Lantikan: 27.04.2022




YA Tuan Wong Siong Tung  
Tarikh Lantikan: 27.04.2022


**HAKIM MAHKAMAH TINGGI**




YA Tuan Leonard  
David Shim  
Tarikh Lantikan: 27.04.2022




YA Tuan Nadzarin  
bin Wok Nordin  
Tarikh Lantikan: 27.04.2022



YA Tuan Quay Chew Soon  
Tarikh Lantikan: 27.04.2022



YA Tuan Atan Mustaffa  
bin Yussof Ahmad  
Tarikh Lantikan: 27.04.2022



YA Tuan Anand Ponnudurai  
Tarikh Lantikan: 27.04.2022

**PESURUHJAYA KEHAKIMAN**



YA Tuan Azizan  
bin Md. Arshad  
Tarikh Lantikan: 04.02.2022



YA Puan Narkunavathy  
a/p Sundareson  
Tarikh Lantikan: 04.02.2022



YA Puan Noor Ruwena  
binti Md. Nurdin  
Tarikh Lantikan: 04.02.2022



YA Puan Jamhirah binti Ali  
Tarikh Lantikan: 04.02.2022



YA Puan Rozi binti Bainon  
Tarikh Lantikan: 04.02.2022



YA Puan Noor Hayati  
binti Haji Mat  
Tarikh Lantikan: 04.02.2022

**PESURUHJAYA KEHAKIMAN**



YA Tuan Azlan  
bin Sulaiman  
Tarikh Lantikan: 04.02.2022



YA Tuan Kenneth Yong  
Ken Chinson St. James  
Tarikh Lantikan: 04.02.2022



YA Tuan Leong Wai Hong  
Tarikh Lantikan: 04.02.2022



YA Tuan Noor Hisham  
bin Ismail  
Tarikh Lantikan: 04.02.2022



YA Puan Roz Mawar  
binti Rozain  
Tarikh Lantikan: 04.02.2022



YA Puan Fathiyah binti Idris  
Tarikh Lantikan: 30.09.2022

**PESURUHJAYA KEHAKIMAN**



YA Puan Wan Fadhilah Nor  
binti Wan Idris  
Tarikh Lantikan: 30.09.2022



YA Puan Rofiah  
binti Mohamad  
Tarikh Lantikan: 30.09.2022



YA Puan Wong Mee Ling  
Tarikh Lantikan: 30.09.2022



YA Dato' Raja Ahmad  
Mohzanuddin Shah  
bin Raja Mohzan  
Tarikh Lantikan: 30.09.2022



YA Tuan Suria Kumar  
a/l Durairaj Johnson Paul  
Tarikh Lantikan: 30.09.2022



The background features a dynamic, abstract design composed of numerous thin, light blue and white lines that curve and overlap, creating a sense of motion and depth. A prominent feature is a large, solid white circle centered in the upper half of the frame. This circle has a thin, dark purple border and contains the text "AKADEMI KEHAKIMAN" in a bold, black, sans-serif font.

**AKADEMI  
KEHAKIMAN**



## AKADEMI KEHAKIMAN

Akademi Kehakiman telah ditubuhkan pada 16 Disember 2011 bertujuan untuk memastikan latihan bagi hakim-hakim Mahkamah Atasan dilaksanakan dengan lebih cekap dan berkesan seterusnya dapat menambah baik pentadbiran keadilan selaras dengan fungsi Suruhanjaya di bawah subseksyen 21 (1)(e) dan (f) Akta 695. Pada masa ini, Akademi Kehakiman ditubuhkan secara pentadbiran di bawah Suruhanjaya. Jawatankuasa Akademi Kehakiman pada masa ini dianggotai oleh 7 orang hakim yang dipengerusikan oleh Ketua Hakim Negara Mahkamah Persekutuan.

***Jadual 10 : Keanggotaan Jawatankuasa Akademi Kehakiman***

<b>Pengerusi</b>	YAA Tun Tengku Maimun binti Tuan Mat Ketua Hakim Negara Mahkamah Persekutuan
<b>Ahli-Ahli</b>	YAA Tan Sri Rohana binti Yusuf Presiden Mahkamah Rayuan (sehingga 8 November 2022) YAA Tan Sri Dato' Sri Azahar bin Mohamed Hakim Besar Mahkamah Tinggi di Malaya (sehingga 26 Oktober 2022) YAA Tan Sri Datuk Amar Abang Iskandar bin Abang Hashim Hakim Besar Mahkamah Tinggi di Sabah dan Sarawak YA Datuk Seri Haji Mohd Zawawi bin Salleh Hakim Mahkamah Persekutuan (sehingga 15 Julai 2022) YA Datuk Nallini Pathmanathan Hakim Mahkamah Persekutuan YA Datuk Vernon Ong Lam Kiat Hakim Mahkamah Persekutuan
<b>Setiausaha</b>	YBrs. Encik Qalam Zainuddin bin Sani Setiausaha Suruhanjaya Pelantikan Kehakiman

Bagi membolehkan Akademi Kehakiman menjalankan fungsinya dengan lebih berkesan, ianya meliputi 2 jawatankuasa iaitu Jawatankuasa Latihan dan Jawatankuasa Penerbitan. Jawatankuasa Latihan bertanggungjawab merancang, melaksana, memantau dan menilai program latihan hakim-hakim Mahkamah Atasan manakala Jawatankuasa Penerbitan pula bertanggungjawab merancang, melaksana, memantau dan menilai penerbitan jurnal atau apa-apa penerbitan lain dalam bidang kehakiman.

## JAWATANKUASA LATIHAN

Perkembangan semasa bidang perundangan yang semakin mencabar menuntut kepada pembelajaran berterusan. Pembelajaran berterusan untuk hakim Mahkamah Atasan melalui program latihan merupakan salah satu komponen penting dalam pembangunan kerjaya seseorang hakim. Objektif utama pelaksanaan program latihan kepada hakim adalah untuk meningkatkan kepakaran dan kemahiran hakim-hakim selaras dengan perkembangan semasa bidang perundangan dalam dan luar negara. Keanggotaan Jawatankuasa Latihan adalah seperti berikut:

*Jadual 11 : Keanggotaan Jawatankuasa Latihan*

<b>Pengerusi</b>	YA Datuk Seri Haji Mohd Zawawi bin Salleh Hakim Mahkamah Persekutuan (sehingga 15 Julai 2022)
<b>Ahli-Ahli</b>	YA Datuk Vernon Ong Lam Kiat Hakim Mahkamah Persekutuan (bermula 16 Julai 2022)
<b>Urus setia</b>	YA Datuk Vernon Ong Lam Kiat Hakim Mahkamah Persekutuan  YA Dato' Abdul Rahman bin Sebli Hakim Mahkamah Persekutuan  YA Dato' Sri Hasnah binti Dato' Mohammed Hashim Hakim Mahkamah Persekutuan  YA Dato' Mary Lim Thiam Suan Hakim Mahkamah Persekutuan
	YBrs. Encik Qalam Zainuddin bin Sani Setiausaha Suruhanjaya Pelantikan Kehakiman

Pada tahun 2022, peruntukan keseluruhan yang telah dibelanjakan bagi membiayai kos pelaksanaan program latihan hakim-hakim Mahkamah Atasan adalah sebanyak RM196,348.00.

## PROGRAM LATIHAN

Berdasarkan perkembangan bidang perundangan dan keperluan semasa, program latihan yang dianjurkan oleh Akademi Kehakiman memberi tumpuan khusus kepada pentafsiran undang-undang substantif, peraturan dan prosedur mahkamah serta kemahiran dalam pengurusan kes. Program latihan yang dilaksanakan adalah berbentuk kursus jangka pendek, seminar dan bengkel. Program latihan yang dianjurkan oleh Akademi Kehakiman dikendalikan oleh hakim-hakim kanan dan penceramah jemputan. Sepanjang tahun 2022, sebanyak 7 program latihan telah dilaksanakan seperti berikut:

- |    |   |
|----|---|
| 1. | Program Induksi Pesuruhjaya Kehakiman 2022  |
| 2. | Bengkel <i>Writing Better Judgment 1/2022</i>   |
| 3. | Bengkel Kemahiran dan Teknik Pengendalian Mediasi secara Fizikal dan Dalam Talian untuk Badan Kehakiman |
| 4. | Forum <i>Challenges on Hearing Appeal Online</i>  |
| 5. | Kursus <i>Section 302 of the Penal Code</i>   |
| 6. | Bengkel <i>Writing Better Judgment 2/2022</i>   |
| 7. | Kursus Petisyen Pilihan Raya  |

## 1) PROGRAM INDUKSI PESURUHJAYA KEHAKIMAN 2022

Program Induksi Pesuruhjaya Kehakiman 2022 telah diadakan pada 25 hingga 28 Januari 2022 di Dewan Persidangan, Istana Kehakiman, Putrajaya. Objektif program ini adalah untuk memberi pendedahan kepada peserta berkenaan skop bidang kerja dan amalan terbaik yang perlu dipatuhi dalam melaksanakan tugas dan tanggungjawab sebagai Pesuruhjaya Kehakiman. Seramai 10 orang peserta telah menghadiri kursus ini. Sebanyak 14 tajuk ceramah berkaitan dengan tugas-tugas seorang hakim telah disampaikan seperti berikut:

BIL	TAJUK	PENCERAMAH
1.	<i>Judges' Code of Ethics</i>	YAA Tan Sri Rohana binti Yusuf Presiden Mahkamah Rayuan
2.	<i>Salient Features of the Rules of Court 2012</i>	YA Dato' Sri Hasnah binti Dato' Mohammed Hashim Hakim Mahkamah Persekutuan  YA Dato' Mary Lim Thiam Suan Hakim Mahkamah Persekutuan
3.	<i>Transition to The Bench</i>	YBhg. Tan Sri Datuk Suriyadi bin Halim Omar Anggota Suruhanjaya Pelantikan Kehakiman  YBhg. Datuk Dr. Prasad Sandosham Abraham Anggota Suruhanjaya Pelantikan Kehakiman
4.	<i>Virtual Hearing</i>	YA Datuk Wong Kian Kheong Hakim Mahkamah Tinggi
5.	<i>Joint Session with Chief Judge of Malaya &amp; Chief Judge of Sabah and Sarawak</i>	YAA Tan Sri Dato' Sri Azahar bin Mohamed Hakim Besar Mahkamah Tinggi di Malaya  YAA Tan Sri Dato' Abang Iskandar bin Abang Hashim Hakim Besar Mahkamah Tinggi di Sabah dan Sarawak

BIL	TAJUK	PENCERAMAH
6.	<i>Contempt Proceedings</i>	YA Datuk Vazeer Alam bin Mydin Meera Hakim Mahkamah Rayuan
7.	<i>When to Recuse</i>	YA Dato' Zabariah binti Mohd Yusof Hakim Mahkamah Persekutuan
8.	<i>How to Conduct Criminal Trials</i>  i. <i>Section 302 of the Penal Code</i>  ii. <i>Section 39B (i)(a) of the Dangerous Drugs Act 1952</i>	YA Datuk Harminder Singh Dhaliwal Hakim Mahkamah Persekutuan  YA Dato' Abdul Rahman bin Sebli Hakim Mahkamah Persekutuan
9.	<i>How to Read Statutes</i>	YA Datuk Nor Bee binti Ariffin Hakim Mahkamah Rayuan
10.	<i>Managing Procrastination and Competing Priorities</i>	YA Datuk Seri Haji Mohd. Zawawi bin Salleh Hakim Mahkamah Persekutuan
11.	<i>Case Management in Civil Cases and Court - Annexed Mediation</i>	YA Datuk Vernon Ong Lam Kiat Hakim Mahkamah Persekutuan
12.	<i>Judgment Writing Workshop</i>  i. <i>Issues Based Approach in Judgment Writing</i>  ii. <i>Challenges in Judgment Writing</i>	YA Datuk Vernon Ong Lam Kiat Hakim Mahkamah Persekutuan  YA Datuk Vazeer Alam bin Mydin Meera Hakim Mahkamah Rayuan  YA Dato' Lee Swee Seng Hakim Mahkamah Rayuan

BIL	TAJUK	PENCERAMAH
13.	<i>E-Court System and E-Review</i>	Puan Hamidah binti Mohamed Deril Pengarah Bahagian E-Court  Tuan Muhammad Kamil bin Nizam Timbalan Pendaftar Pejabat Pendaftar Mahkamah Rendah Malaya
14.	<i>Salary, Allowance and Benefits for Judges</i>	Puan Laila Khalidah binti Ismail Pengarah Bahagian Pengurusan

## 2) BENGKEL WRITING BETTER JUDGMENTS 1/2022

Bengkel *Writing Better Judgments 1/2022* telah diadakan pada 24 hingga 26 Mac 2022 di Zenith Hotel, Putrajaya. Objektif kursus ini adalah untuk memperkenalkan peserta-peserta dengan konsep utama bagi meningkatkan kualiti penulisan alasan penghakiman dengan menggunakan konsep 5C iaitu *Clear* (Jelas), *Concise* (Ringkas), *Comprehensive* (Menyeluruh), *Coherent* (Koheren) dan *Convincing* (Meyakinkan). Seramai 19 orang peserta yang terdiri daripada 7 orang Hakim Mahkamah Tinggi dan 12 orang Pesuruhjaya Kehakiman telah menghadiri kursus ini. Program ini turut dihadiri oleh YAA Tun Tengku Maimun binti Tuan Mat, Ketua Hakim Negara Mahkamah Persekutuan.

Setiap peserta diberi tugas untuk menulis semula sampel alasan penghakiman berdasarkan kepada prinsip-prinsip yang telah disarankan dalam kursus ini dan seterusnya mengemukakan alasan penghakiman berkenaan kepada fasilitator-fasilitator kumpulan masing-masing. Bagi tujuan tersebut, para peserta telah dibahagikan kepada empat kumpulan yang terdiri daripada 3 hingga 6 ahli setiap kumpulan. Peserta-Peserta setiap kumpulan telah dibimbang oleh 3 orang fasilitator yang terdiri daripada hakim-hakim Mahkamah Persekutuan dan Mahkamah Rayuan.

Program ini terbahagi kepada 11 sesi seperti berikut:

Sesi	Tajuk	Fasilitator
1.	<i>Why Good Judgments Matter?</i>	YAA Tan Sri Dato' Sri Azahar bin Mohamed Hakim Besar Mahkamah Tinggi di Malaya  YAA Tan Sri Dato' Abang Iskandar bin Abang Hashim Hakim Besar Mahkamah Tinggi di Sabah dan Sarawak
2.	<i>Issues Based Approach to Judgment Writing: The Conceptual Framework</i>	YA Datuk Nallini Pathmanathan Hakim Mahkamah Persekutuan  YA Datuk Vazeer Alam bin Mydin Meera Hakim Mahkamah Rayuan
3.	<i>The First Page and Creating Headings</i>	YA Datuk Vernon Ong Lam Kiat Hakim Mahkamah Persekutuan

Sesi	Tajuk	Fasilitator
4.	<i>Individual Feedback Session and Exercise on Re-writing the First Page and Creating Headings</i>	Semua fasilitator
5.	<i>The Challenges of Judgment Writing</i>	YA Dato' Lee Swee Seng Hakim Mahkamah Rayuan
	<i>The Structural Construct of an Issues Based Judgment</i>	YA Datuk Vazeer Alam bin Mydin Meera Hakim Mahkamah Rayuan
6.	<i>The Road to Judgment</i>	YAA Tan Sri Rohana binti Yusuf Presiden Mahkamah Rayuan
7.	<i>Workshop on Practical Issue Identification</i>	Semua fasilitator
8.	<i>Workshop – Review of the Re-written First Page and List of Headings</i>	Semua fasilitator
9.	<i>Issues Based Approach Judgment Writing in Criminal Cases (Section 39B of Dangerous Drugs Act 1952 and Section of the 302 Penal Code)</i>	YA Dato' Abdul Rahman bin Sebli Hakim Mahkamah Persekutuan  YA Dato' Mohamad Zabidin bin Mohd Diah Hakim Mahkamah Persekutuan  YA Datuk Abdul Karim bin Abdul Jalil Hakim Mahkamah Rayuan

Sesi	Tajuk	Fasilitator
10.	<i>Managing Procrastination and Competing Priorities</i>	YA Datuk Seri Haji Mohd Zawawi bin Salleh Hakim Mahkamah Persekutuan
11.	<i>Workshop – Review of The Re-written Submitted Judgment</i>	Semua fasilitator



### 3) BENGKEL KEMAHIRAN DAN TEKNIK PENGENDALIAN MEDIASI SECARA FIZIKAL DAN DALAM TALIAN UNTUK BADAN KEHAKIMAN

Bengkel Kemahiran dan Teknik Pengendalian Mediasi Secara Fizikal dan Dalam Talian untuk Badan Kehakiman telah diadakan pada 7 hingga 8 September 2022 di *Asian International Arbitration Centre (AIAC)*, Kuala Lumpur. Objektif bengkel ini adalah untuk memastikan anggota Badan Kehakiman boleh bertindak sebagai mediator yang mempunyai asas kemahiran mediasi mengikut teknik yang betul dan efektif.

Seramai 24 orang peserta yang terdiri daripada 13 orang Hakim Mahkamah Tinggi, dan 11 orang Pesuruhjaya Kehakiman telah menghadiri program ini. Bengkel ini turut dihadiri oleh YA Datuk Vernon Ong Lam Kiat, Hakim Mahkamah Persekutuan merangkap Pengerusi Jawatankuasa Latihan, Akademi Kehakiman.

Bengkel selama 2 hari ini telah dirasmikan oleh YBhg. Tan Sri Datuk Suriyadi bin Halim Omar, Pengarah *Asian International Arbitration Centre (AIAC)*. Bengkel ini telah dikendalikan oleh 2 orang penceramah iaitu Puan Gunavathi Subramaniam, peguam dan pensyarah sambilan di dalam bidang *Alternative Dispute Resolutions* di Universiti Malaya, serta Encik Chia Loong Thye, *Adjudicator* bertauliah di AIAC. Tajuk-Tajuk ceramah yang disampaikan di dalam bengkel ini adalah seperti *Mediation Styles, Negotiation Exercise and Debrief, Negotiation Principles and Styles, The Facilitative Mediation Process Model, Mediation Demonstration and De-brief, Judicial-led-mediation, Mediator Skills, Communication Skills* dan *Communication Barriers*.



#### 4) FORUM CHALLENGES ON HEARING ONLINE

Forum *Challenges on Hearing Online* telah diadakan pada 16 Oktober 2022 di Hotel Shangri-la, Kuala Lumpur sempena dengan Mesyuarat Majlis Hakim-Hakim Malaysia Kali Ke-54 Tahun 2022. Forum ini telah dianjurkan dengan kerjasama Pejabat Ketua Pendaftar Mahkamah Persekutuan. Objektif forum ini adalah untuk membincangkan isu dan cabaran pendengaran kes secara dalam talian. Moderator bagi forum ini ialah YA Datuk Vernon Ong Lam Kiat, Hakim Mahkamah Persekutuan manakala ahli-ahli panel terdiri daripada YA Dato' Has Zanah binti Mehat, Hakim Mahkamah Rayuan, YA Datuk Ravinthan a/l N.Paramaguru, Hakim Mahkamah Rayuan, YA Dato' Abu Bakar bin Jais, Hakim Mahkamah Rayuan dan YA Datuk Nantha Balan a/l E.S. Moorthy, Hakim Mahkamah Rayuan. Seramai 160 orang peserta yang terdiri daripada Hakim Mahkamah Persekutuan, Hakim Mahkamah Rayuan, Hakim Mahkamah Tinggi, Pesuruhjaya Kehakiman dan Pegawai Kehakiman dan Perundangan telah menghadiri forum ini. Program ini turut dihadiri oleh YAA Tun Tengku Maimun binti Tuan Mat, Ketua Hakim Negara Mahkamah Persekutuan.



## 5) KURSUS SECTION 302 OF THE PENAL CODE

Kursus *Section 302 of the Penal Code* telah diadakan di *DoubleTree Hotel by Hilton Putrajaya Lakeside*, Putrajaya pada 20 Oktober 2022. Objektif kursus ini adalah ke arah pemahaman yang lebih baik mengenai seksyen 302 Kanun Keseksaan. Seramai 25 peserta telah menghadiri kursus ini yang terdiri daripada 9 orang Hakim Mahkamah Tinggi dan 16 orang Pesuruhjaya Kehakiman. Kursus ini turut dihadiri oleh YA Datuk Vernon Ong Lam Kiat, Hakim Mahkamah Persekutuan merangkap Pengerusi Jawatankuasa Latihan, Akademi Kehakiman. Fasilitator-fasilitator yang mengendalikan kursus ini ialah YA Dato' Abdul Rahman bin Sebli, Hakim Mahkamah Persekutuan, dan YA Datuk Abdul Karim bin Abdul Jalil, Hakim Mahkamah Rayuan. Dua orang Hakim Mahkamah Rayuan telah hadir sebagai pemerhati sepanjang kursus ini berlangsung iaitu YA Datuk Yaacob bin Haji Md. Sam dan YA Datuk Vazeer Alam bin Mydin Meera. Lima orang peserta telah membentangkan tajuk-tajuk perbincangan iaitu *The Offence of Murder and the Offence of Culpable Homicide Not Amounting to Murder Under the Penal Code – Concept and Elements of the Offences, Section 34 and 149 of the Penal Code, Evidence of Forensic Pathologist, Witnesses and Corroboration*.



## 6) BENGKEL WRITING BETTER JUDGMENTS 2/2022

Bengkel *Writing Better Judgments 2/2022* telah diadakan pada 27 hingga 29 Oktober 2022 di *DoubleTree Hotel by Hilton Putrajaya Lakeside*, Putrajaya. Objektif program ini adalah untuk memperkenalkan peserta-peserta dengan konsep utama bagi meningkatkan kualiti penulisan alasan penghakiman dengan menggunakan konsep 5C iaitu *Clear* (Jelas), *Concise* (Ringkas), *Comprehensive* (Menyeluruh), *Coherent* (Koheren) dan *Convincing* (Meyakinkan). Seramai 18 orang peserta yang terdiri daripada 10 orang Hakim Mahkamah Tinggi dan 8 orang Pesuruhjaya Kehakiman telah menghadiri kursus ini. Program ini telah dirasmikan oleh YAA Tun Tengku Maimun binti Tuan Mat, Ketua Hakim Negara Mahkamah Persekutuan.

Setiap peserta diberi tugasan untuk menulis semula sampel alasan penghakiman berdasarkan kepada prinsip-prinsip yang telah disarankan dalam kursus ini dan seterusnya mengemukakan alasan penghakiman berkenaan kepada fasilitator-fasilitator kumpulan masing-masing. Bagi tujuan tersebut, para peserta telah dibahagikan kepada empat kumpulan yang terdiri daripada 3 hingga 6 ahli setiap kumpulan. Peserta-Peserta setiap kumpulan telah dibimbang oleh tiga orang fasilitator yang terdiri daripada hakim-hakim Mahkamah Persekutuan dan Mahkamah Rayuan.

Program terbahagi kepada 11 sesi seperti berikut:

Sesi	Tajuk	Fasilitator
1.	<i>Why Good Judgments Matter?</i>	YAA Tan Sri Datuk Amar Abang Iskandar bin Abang Hashim Hakim Besar Mahkamah Tinggi di Sabah dan Sarawak
2.	<i>Issues Based Approach to Judgment Writing: The Conceptual Framework</i>	YA Dato' Sri Hasnah binti Dato' Mohammed Hashim Hakim Mahkamah Persekutuan  YA Datuk Vazeer Alam bin Mydin Meera Hakim Mahkamah Rayuan
3.	<i>The First Page and Creating Headings</i>	YA Datuk Vernon Ong Lam Kiat, Hakim Mahkamah Persekutuan

Sesi	Tajuk	Fasilitator
4.	<i>Individual Feedback Session and Exercise on Re-writing the First Page and Creating Headings</i>	Semua fasilitator
5.	<i>The Challenges of Judgment Writing</i>  <i>The Structural Construct of an Issues Based Judgment</i>	YA Datuk Hajah Azizah binti Haji Nawawi Hakim Mahkamah Rayuan  YA Datuk Vazeer Alam bin Mydin Meera Hakim Mahkamah Rayuan
6.	<i>The Road to Judgment</i>	YAA Tan Sri Rohana binti Yusuf Presiden Mahkamah Rayuan
7.	<i>Workshop on Practical Issue Identification</i>	Semua fasilitator
8.	<i>Workshop – Review of the Re-written First Page and List of Headings</i>	Semua fasilitator
9.	<i>Issues Based Approach Judgment Writing in Criminal Cases (Section 39B of Dangerous Drugs Act 1952)</i>	YA Dato' Abdul Rahman bin Sebli Hakim Mahkamah Persekutuan  YA Dato' Mohamad Zabidin bin Mohd Diah Hakim Mahkamah Persekutuan  YA Datuk Abdul Karim bin Abdul Jalil Hakim Mahkamah Rayuan

Sesi	Tajuk	Fasilitator
10.	<i>Managing Procrastination and Competing Priorities</i>	YA Datuk Harminder Singh Dhaliwal Hakim Mahkamah Persekutuan
11.	<i>Workshop – Review of The Re-written Submitted Judgment</i>	Semua fasilitator



## 7) KURSUS PETISYEN PILIHAN RAYA

Kursus Petisyen Pilihan Raya telah diadakan pada 25 November 2020 di Istana Kehakiman, Putrajaya. Objektif program ini adalah untuk memberikan kefahaman yang menyeluruh mengenai undang-undang dan prosedur pilihan raya. Seramai 39 orang peserta yang terdiri daripada 36 orang Hakim Mahkamah Tinggi dan 3 orang Pesuruhjaya Kehakiman telah menghadiri kursus ini secara dalam talian. Kursus ini turut dihadiri oleh YAA Tun Tengku Maimun binti Tuan Mat, Ketua Hakim Negara Mahkamah Persekutuan; YAA Tan Sri Datuk Amar Abang Iskandar bin Abang Hashim, Hakim Besar Mahkamah Tinggi di Sabah dan Sarawak dan YA Datuk Vernon Ong Lam Kiat, Hakim Mahkamah Pesekutuan merangkap Pengerusi Jawatankuasa Latihan, Akademi Kehakiman. Kursus ini dibahagikan kepada 3 sesi ceramah dan 1 sesi perbincangan. Fasilitator yang terlibat bagi kursus ini ialah YA Dato' Mohamad Zabidin bin Mohd Diah, Hakim Mahkamah Pesekutuan yang menjalankan tugas-tugas Hakim Besar Mahkamah Tinggi di Malaya; YA Datuk Harmindar Singh Dhaliwal, Hakim Mahkamah Pesekutuan dan YA Datuk Hajah Azizah binti Haji Nawawi, Hakim Mahkamah Rayuan manakala panel sesi perbincangan terdiri daripada YA Datuk Harmindar Singh Dhaliwal, Hakim Mahkamah Persekutuan, YA Datuk Hanipah binti Farikullah, Hakim Mahkamah Rayuan, YA Datuk Hajah Azizah binti Haji Nawawi, Hakim Mahkamah Rayuan, YA Datuk Vazeer Alam bin Mydin Meera, Hakim Mahkamah Rayuan dan YA Dato' Lee Heng Cheong, Hakim Mahkamah Rayuan.



## JAWATANKUASA PENERBITAN



Penulisan dan penerbitan jurnal perundangan dan lain-lain penerbitan Badan Kehakiman merupakan satu inisiatif dan usaha berterusan yang dilaksanakan oleh Jawatankuasa Penerbitan, Akademi Kehakiman bagi meningkatkan prestasi Badan Kehakiman. Disamping itu ianya juga bertujuan untuk menggalakkan penulisan di kalangan anggota Badan Kehakiman di samping memupuk serta membudayakan pembelajaran sepanjang hayat.

***Jadual 12 : Keanggotaan Jawatankuasa Penerbitan***

<b>Pengerusi</b>	YA Datuk Nallini Pathmanathan Hakim Mahkamah Persekutuan
<b>Ahli-Ahli</b>	YA Dato' Zabariah binti Mohd Yusof Hakim Mahkamah Persekutuan  YA Dato' Lee Swee Seng Hakim Mahkamah Rayuan  YA Datuk Darryl Goon Siew Chye Hakim Mahkamah Rayuan (sehingga 22 Jun 2022)  YA Dato' Mohd Nazlan bin Mohd Ghazali Hakim Mahkamah Rayuan  YBrs. Encik Qalam Zainuddin bin Sani Setiausaha Suruhanjaya Pelantikan Kehakiman  YBrs. Encik Muhammad Nazim bin Abd Rahman Timbalan Setiausaha Suruhanjaya Pelantikan Kehakiman
<b>Setiausaha</b>	YBrs. Dr. Noradura binti Hamzah Pegawai Kehakiman dan Perundangan Pejabat Ketua Pendaftar Mahkamah Persekutuan
<b>Sekretariat</b>	Puan Syahrin binti Jeli Bohari Puan Siti Zahirah binti Zaidon Pegawai Kehakiman dan Perundangan Pejabat Ketua Pendaftar Mahkamah Persekutuan

**PENERBITAN JOURNAL OF THE MALAYSIAN JUDICIARY**

Pada tahun 2022, *Journal of the Malaysian Judiciary* (JMJ) telah diterbitkan sebanyak 2 kali iaitu Edisi Januari 2022 dan Edisi Julai 2022.



**JOURNAL OF THE MALAYSIAN JUDICIARY (JMJ)**

Berikut ialah artikel-artikel yang dimuatkan dalam JMJ Edisi Januari 2022 :

1. *Access to Justice and the New Normal*  
oleh *The Right Honourable The Chief Justice of Malaysia,*  
Tun Tengku Maimun binti Tuan Mat
2. *The 6th Joint Judicial Conference (Online) Brunei-Malaysia-Singapore*  
oleh *The Right Honourable The Chief Justice of Malaysia,*  
Tun Tengku Maimun binti Tuan Mat
3. *Justice in a Globalised Age*  
oleh *The Honourable the Chief Justice Sundaresh Menon*
4. *A Year of COVID-19: The Use of Technology and the Experience of the Kuala Lumpur Commercial Courts*  
oleh *Justice Dato' Ahmad Fairuz Zainol Abidin*
5. *Trying Election Petitions: A Practical Commentary*  
oleh *Justice Dato' Amarjeet Singh Serjit Singh*
6. *Some Problematic Aspects of Arbitration*  
oleh *Justice Tee Geok Hock*
7. *Synthesising Synthetics: Lessons Learnt from Collins & Aikman*  
oleh *Justice Kannan Ramesh*
8. *Islamic Banking and Alternative Dispute Resolution*  
oleh *Tan Sri Datuk Suryadi bin Halim Omar and Nur Nadhirah Syahmi*
9. *Good Faith in Contractual Performance: Chasing a Mirage?*  
oleh *Dr Nurhidayah Abdullah*

Berikut ialah artikel-artikel yang dimuatkan dalam JMJ Edisi Julai 2022 :

1. Sirih Pulang ke Gagang  
oleh *The Rt. Hon. Tun Tengku Maimun binti Tuan Mat*
2. *The Role of the Judiciary in Advancing Human Rights through the UN Guiding Principles on Business and Human Rights (UNGPs) and the 2030 Agenda for Sustainable Development Goals (SDG)*  
oleh *The Rt. Hon. Tan Sri Dato' Sri Azahar bin Mohamed*
3. *The International Environmental Rule of Law: The North-South Divide Sustainable Development: The Malaysian Experience*  
oleh *Justice Datuk Nallini Pathmanathan*
4. *Law in Literature and Literature in Law: A Study in Creativity*  
oleh *Justice Leong Wai Hong*
5. *Anti-Suit Injunctions in Maritime Disputes : A Trend That Threatens To Be Out of Control?*  
oleh *Justice Belinda Ang*
7. *The Judicial Mask: A Happy Judge?*  
oleh *Justice Choo Han Teck*
8. *Arbitration in Malaysia – An Assessment of the Judicial Approach to the Application and Construction of Section 8, Section 37 and Section 42 of the Arbitration Act 2005*  
oleh *Tan Sri Dato' Cecil Abraham*
9. *Private Judging – Are We Ready?*  
oleh *Low Chee Keong, Low Tak Yip dan Low Tak Hay*



The background features a vibrant red gradient with a dynamic pattern of white and light blue wavy lines radiating from the center. A prominent circular logo is positioned in the middle-right area, containing the text.

**URUS SETIA  
SURUHANJAYA  
PELANTIKAN  
KEHAKIMAN**



## URUS SETIA SURUHANJAYA PELANTIKAN KEHAKIMAN

### PEJABAT SETIAUSAHA SURUHANJAYA PELANTIKAN KEHAKIMAN

Pejabat Setiausaha Suruhanjaya diketuai oleh seorang Setiausaha yang dilantik oleh YAB Perdana Menteri berdasarkan subseksyen 19(1) Akta 695. Jawatan Setiausaha disandang oleh YBrs. Encik Qalam Zainuddin bin Sani, Pegawai Tadbir dan Diplomatik (PTD), Gred Utama B. Setiausaha Suruhanjaya dibantu oleh seorang Timbalan Setiausaha dan 15 orang pegawai dan kakitangan daripada pelbagai gred dan skim perkhidmatan. Pejabat Setiausaha Suruhanjaya bertanggungjawab dalam pelaksanaan dan pengurusan fungsi dan aktiviti Suruhanjaya meliputi pengurusan pelantikan hakim-hakim Mahkamah Atasan dan anggota Suruhanjaya Pelantikan Kehakiman. Pejabat Setiausaha Suruhanjaya juga bertanggungjawab dalam urusan pentadbiran dan pengurusan Suruhanjaya di samping melaksanakan tanggungjawab sebagai urus setia Akademi Kehakiman, Jawatankuasa Latihan dan Jawatankuasa Penerbitan, Akademi Kehakiman.



## **PERUNTUKAN KEWANGAN**

Pada tahun 2022, peruntukan sebanyak RM2,676,700.00 telah diluluskan untuk membiayai keseluruhan aktiviti Suruhanjaya.